



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

332. De eulogiis populo à Presbytero dandis.

**urn:nbn:de:hbz:466:1-14622**

De eadem re. *Ex Pœnitentiâ.*

CCCXXIX. Uxoratus contineat se quadraginta dies ante Pascha & Pentecosten, seu ante Natale Domini, & omnem dominicam noctem, & quartam & sextam feriam, & à conceptione manifestata usque post natam sobolem. Uxor post natam sobolem abstineat se ab Ecclesia, si filius est, dies triginta; si filia, dies quadraginta. Mulier se abstineat à viro tres menses ante partum, & post partum quadraginta dies. Qui autem nupserit his diebus, viginti dies pœniteat.

De eadem re.

Burchard. lib.  
19. c. 76.\* Edit. Hel-  
mestad. an-  
nos v. pœn.

CCCXXX. Qui in quadragesima ante Pascha cognoverit uxorem suam & noluerit abstinere ab ea, \* uno anno pœniteat, aut pretium suum, videlicet viginti sex solidos, ad Ecclesiam tribuat, aut pauperibus dividat. Si per ebrietatem & sine consuetudine acciderit, quadraginta dies pœniteat.

Quòd ante communionem abstinere debet à conjugè.

Burchard lib.  
5. c. 22.

CCCXXXI. Omnis homo ante sacram communionem à propria uxore abstinere debet VII. aut V. aut III. dies.

De eulogiis populo à Presbytero dandis.

*Ex Concilio Nannetensi.*Concil. Nan-  
net. c. 9.  
Burchard. lib.  
5. c. 27.

CCCXXXII. Ut de oblationibus quæ offeruntur à populo, & consecrationi supersunt, vel de panibus quos offerunt fideles ad

Ecclesiam, vel certè de suis, Presbyter convenienter partes incisas habeat in vase nitido, ut post Missarum sollempnia, qui communicare non fuerunt parati, eulogias omni die dominico & in diebus festis exinde accipiant. & illa unde eulogias Presbyter daturus est antè in hæc verba benedicat:

O R A T I O.

Domine sancte Pater omnipotens æterne Deus, benedicere digneris hunc panem tuam sanctam & spiritualem benedictionem, ut sit omnibus salus mentis & corporis, atque contra omnes morbos & universas inimicorum insidias tutamentum. per Dominum nostrum Jesum Christum filium tuum, panem vitæ, qui de cælo descendit, & dat vitam & salutem mundo, & tecum vivit & regnat. Providendum est autem ne micæ incautè defluant.

Burchard. lib. 5. c. 28.

Ut Presbyteri cum stola incedant. *Ex synodo Triburiensi.*

CCCXXXIII. Ut Presbyteri non vadant nisi stola vel orario induti. Et si in itinere Presbyteri spoliantur vel vulnerantur aut occiduntur non stola vestiti, simplici emendatione sua solvantur. Si autem cum stola, tripliciter.

De eadem re. *Ex Concilio Mogontiensi.*

Concil. Mogunt. sub Kar. M. c. 28. Lib. 5. Capitular. c. 81. & lib. 6. c. 169. Burchard. lib. 2. c. 101.

CCCXXXIV. Presbyteri sine intermissione utantur orariis, propter differentiam sacerdotalis dignitatis.